

loco, nominato Cuxele, poco distante di Borgo San Donin, im parmesana, di Palavicini, qual è forte; e che monsignor di Chiamon, prescidente, era zonto a Milan e andato a Vegevene per repossar alcuni zorni. *Item*, che la città di Zenoa non era quieta, et se mandavano certe zente ad uno castello, nominato Monacho, *ita* che quelle cosse erano in disturbo *ete*. Nota, è restà li per il re governador a Zenoa monsignor de . . . . .

233\* Fo fato scurtinio di do savij di terra ferma, uno mancha, et uno in loco di sier Zorzi Pixani, dotor, cavalier, andato orator a Napoli, fino el ritorni. Rimase sier Piero Vituri, fo savio a terra ferma, el qual stè 4 zorni a intrar, l'altro non passò. Fo soto sier Alvixe di Prioli, fo provedador a le biave, *quondam* sier Piero, procurator, qual di una balota non passò. Non fo lassato provar sier Marin Zorzi, dotor, vien capitano di Brexa, et sier Andrea Trivixan, el cavalier, vien podestà et capitano di Crema, per non esser le letere di la consignation.

Fu posto, per li savij d'acordo, la commission a li oratori nostri vanno al re di Napoli, congratulatoria. Ave tutto il consejo; fanno la via di Romagna.

A dì 5. Fo consejo di X.

A dì 6. Fo gran consejo. Fato capitano a Ravenna, niun non passò.

A dì 7, fo San Nicolò. Fo gran consejo. Rimase capitano a Ravenna sier Hironimo Contarini, fo provedador in armada, *quondam* sier Francesco, da sier Francesco Morexini, dotor, cavalier, è di pregadi, *quondam* sier Ruberto.

A dì 8, fo la Conception di la Madona. O fu.

A dì 9. Fo consejo di X.

A dì 10. Fu colegio.

A dì 11. Fo pregadi. Et leto le infrascripte letere:

*Di Germania, di l'orator, date a Salzpurch.* Come à ricevuto la risposta fata ai oratori di soa majestà, per la Signoria nostra, non grata a soa majestà, la qual era ordinata la dieta in Augusta, a la qual anderà l'orator nostro, et sarà soa majestà. *Item*, la deliberation di fiamengi, che soa majestà vada in Bergogna, a governo dil nepote et stato, fin che 'l sia in età conveniente *ete*. *Item*, che i grandi de Castella rezerchano haver el fiol, ch'è in Bergogna, nominato Carlo, et darli in Bergogna quello ch'è in Yspania. *Item*, che la coronation se poria far in Germania; et che 'l papa l'ha promessa *quandocumque ete*. *Item*, il re voria da la Signoria falconi, comè *alias* li fo mandati a donar; *conclusive*

non à 'uto piacer di la risposta, dice, non volendo la Signoria, si acorderà con Franza.

*Di Franza, di l'orator, da Bles.* Come il re havea rasonà venir a Milan a tempo novo, et *eo magis*, che 'l papa l'havea invidato a veder Bollogna; el qual invito era stà acceptato da sua majestà. *Item*, era morto monsignor de Navers, fradello de monsignor de Cleve, german del re, che era a governo de la provintia versso Bergogna; in loco suo havea substituto monsignor de la Tremugia. *Item*, era zonto l'orator dil duca di Geler, per trovar aseto de cosse con fiamengi. *Item*, l'orator di Ferrara fazea instantia di haver salvo conduto per il duca Valentino, che vuol passar in Italia per la Franza via, el qual era zonto a Pampaluna, confina a la Franza, mal vestito. Par il re non voglij darli risposta fino non habi la risposta dil re di Ragonia, ch'è a Napoli, al qual di questo ha scripto.

234 *Di Spagna, di Hironimo Vianello, date a Burgos, a dì primo novembrio, et 17 dito.* Come la majestà di la regina era stata a messa in la chiesa, a Momflor, cantata con doi cori, *videlicet* con el suo et quello di la terra. Tutti stanno in expectation che 'l re de Ragonia torna a quel governo; la regina non vuol segnar, nè far acto algun fin che non va el re suo padre li. La dita regina era vestita de beretin, come pizochera; el duca de Medina Celli era andato a campo per haver Zibeltera, de la qual era stà rebatuto, dicea quella esser sua. Poi, levato di l'impresa, andò a una altra terra, nominata . . . . ., dove *etiam* fo rebatuto. Par che la mazor parte de quelli grandi di Chastiglia desiderano el re torni a quel governo. *Item*, il re di Portogallo havia mandato specie de più sorte a vender li in Castella, et a precij che 'l perderà; e questo per far danari da spazar el marzo venturo barze 12 per India. *Item*, scrive il fuzir dil Valentino de Medina Cidonia, el qual se callò per una corda da i merli; et havea intelligentia di vardiani, uno di quelli che fo primo a farli la strata, perchè la corda era curta, fino a terra passa 8. Dito vardian, come fo a la fin, si lassò andar, *adeo* rimase scavazato le gambe li in terra, et la matina fu trovato vivi, et fo squartato; el duca veramente saltò, e non si fé mal. Et li era alcuni ballastrieri a cavallo di suo egnato, monsignor di Libret, ch'è re di Navarra, et subito montò su uno cavallo et fuzite via. *Item*, nomina don Zuan Hemanuel, si che la nova vene, che la regina l'havia fato morir, non era vera.

*Da Napoli, di sier Cabriel Moro, orator nostro.* Come a dì 29 novembrio il re l'havia fato ca-